

漢書門

冊	內閣文庫
番號	漢 2304
冊數	20 (18)
函號	290 42




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





上降勅諭寶日爾等本係吳三桂部下
 三桂反叛爾等遂抗拒大兵或歸本
 爾等能悔罪歸誠前罪悉赦仍論功叙錄
 標下將士概從寬宥酌量加恩爾其盡釋
 疑衷勉圖後効寶抗拒如故大兵復湖南
 廣西寶遊貴州據遵義提督周卜世破之
 寶棄城走先是屏藩自秦州戰敗退四川
 據保寧為死守計十九年正月大兵克保

五

天

七

寧屏藩窮蹙自殺三月寶復犯四川糾賊
党陷瀘州叙州二十年二月貝子彰泰圍
吳世璠于雲南省城世璠危迫趨寶自四
川來援寶棄叙州携妻子奔楚雄六月彰
泰使都督希福等擊之寶洋北以誘我兵
希福等追至烏木山寶據險相持希福等
奮擊大破之寶越山遁僅以身免七月寶
逃姚安收潰卒不及一人乃赴希福軍前

降

諭曰逆賊馬寶所在抗拒大兵今無地可
逃力窮勢蹙始來投誠情罪重大斷不可
宥其執來京九月磔於市梟其首

李本深列傳

李本深甘肅西寧人明總兵高傑甥初爲
縮督洪承疇部將累官至遊擊福王時大
李士史可法荐爲總兵隸傑麾下同胡茂

禮爲前鋒傑爲許定國所殺以本深爲提督統其軍

本朝順治二年豫親王多鐸南征本深率部將十三萬降以原官隨大軍渡江平桃紅朱諸砦招撫鎮江府江南平入京隸漢軍正黃旗五年八月叙投誠功授三等子爵十年大率士洪承疇奉命經畧五省奏請同行稽查隨征諸將并

招沿途舊兵十二年三月加右都督充左標提督總兵官五月大軍進勦湖廣時明桂王朱由榔之將李定國據南寧劉文秀孫可望等據辰州突犯常德本深同總兵楊遇明胡茂禎張彭程擊却之文秀保陝溪六月復犯常德本深設伏城外俟寇過半夾擊大敗之文秀遁貴州叙功加都督太子少保十三年三月疏言湖南土荒物

貴軍心易搖或逃至常德荊州猶易查解
若往山陝河南地方卽難越境緝問兼將
領喜其歸來及給糧收伍逃兵畏避乞
皇上嚴飭查拿遇逃兵卽行查本營將本
人同家口解赴若將領隱匿督撫查叅又
官兵家住鄉井者奉
旨准行入城家給一口米委屬不足請量
增俱下部議行十一月隨大將軍阿爾津

後復辰州十四年可望降隨承疇進取貴
州十六年承疇題授貴州提督
特旨加太子太保時土寇馮天裕等猖亂
黔蜀間本深同總兵胡茂禎等平之貴州
水西多克苗本深擊斬二千八百有奇駐
六廣河苗謀劫營本深設伏大敗之諸寨
降康熙六年平西王吳三桂辭總管任本
深陳三桂功績請勿聽辭語在三桂傳十

二年三桂反本深叛應之授偽將軍職十

九年貝子彰泰同將軍蔡毓榮穆占等敗

賊於鉄索進復貴陽本深降械至京磔死

張國柱列傳楊遇明楊富蔡祿楊來

張國柱奉天鉄嶺人明副將

本朝順治二年自海道率兵來降五年二

月授都督僉事充湖廣提標左路總兵官

六年二月予二等輕車都尉世職八年閏

二月續順公沈永忠遣國柱同護軍統領

馬進功勦湖南賊有功旋從平南王尙可

喜復廣東郡縣瓊州土寇竊發據城國柱

渡海復其城海寇鄭成功遣黃梧犯瓊州

擊破之十二月借總兵南一魁敗李定國

於南寧定國走安隆經畧洪承疇令國柱

留鎮廣西十七年十月授雲南永順州總

兵官時吳三桂勦李定國于木邦慮蠢暮

通臣傳 卷上

三

猛密二土司爲定國煽惑令國柱以兵三千屯南甸未幾定國死康熙二年十二月擢雲南提督三年六月加太子少保四年三月迤東土酋王耀祖反眾至數萬國柱發兵討之六月三桂疏言土酋王耀祖窺臣遠征水西竊據新興僭號大慶謀犯省城分遣賊党陷易門寧州嶧峨攻昆陽江川通海宜良弥勒石屏及臨安府城提督

張國柱等調兵分路勦捕所向克捷五年正月三桂復疏言雲南諸土酋祿昌賢等作亂臣同國柱等分兵進勦平賊寨數十擒昌賢及其党王翎張老寿李成林李世藩李日森沈應麟龍元慶儂得功等悉誅之遠近蠻獠聞風摺伏滇南大定得

旨嘉獎六年三桂疏稱目疾乞解總督任國柱素党三桂疏留之十二年十一月三

桂反國柱首從逆受僞職爲定遠大將軍
東平公自後提督楊遇明總兵楊富蔡祿
楊來嘉王永清率從賊兵十三萬國柱陷
衡州進踞長沙復與吳應麟抗大兵於岳
州分掠郡縣十六年征南將軍穆占進勦
長沙國柱於城外築壕布耒蒺藜列象陣
以死守穆占連擊敗之國柱走衡州十九
年大兵復湖南貴州國柱遁入雲南二十

年二月貝子彰泰圍吳世璠于雲南省城
遣使招撫諸路國柱自大理府率所部僞
官激劫劄諸軍門降二十二年二月伏誅
楊遇明錦州人以守備來降授山東萊州
遊擊黷土寇有功累遷至副將順治十二
年授湖廣常德鎮總兵官孫可望來犯擊
走之康熙元年移廣東新安鎮旋擢廣東
提督九年五月以老乞休家於常德子寶

蔭先爲三桂藩下總兵從三桂反率賊至常德遇明爲內應城遂陷遇明尋死十九年三月大兵復沅州寶蔭降三十一年流徙寧古塔楊富福建漳州人初爲鄭錦僞都督康熙二年來降授左都督三年六月授四川北鎮總兵官五年十一月調浙江水師左路總兵十一年四月移江南南瑞總兵三年七月三桂兵犯江西富潛謀

內應巡撫董衛國擒斬之蔡祿海澄人自海道來降順治十八年九月授左都督予三等男世爵康熙三年十一月授河南河北鎮總兵官十三年三月三桂犯湖南祿潛結楊來嘉謀應之陽稱捕魚令一軍盡甲增製兵械購羸馬民一夕數徙侍衛觀保馳奏

上命內大臣阿密達率兵至懷慶察之阿

前史傳 卷上 吳

密達至祿不出迎入城施礮拒敵阿密達
擊擒之并斬其子楊來嘉福州人初爲海
寇鄭錦僞都督康熙元年來降三年十一
月授湖廣襄陽鎮總兵十三年三月與副
將洪福據穀城叛並受三桂僞將軍職五
月復犯均州九月來嘉犯南漳十一月陷
中峯寨十四年三月總兵劉成龍敗之于
夏坪燬其巢五月來嘉復犯南漳七月大

兵擊敗之十月來嘉分道入寇十五年正
月副將四十六破賊于黃實山五月以來
嘉據鄖陽乘間竊發設鄖陽撫治九月福
復犯均州十八年大兵自荊州渡江福降
來嘉遁十九年正月湖廣總督徐治都等
破來嘉追至巫山來嘉拒戰復破之二月
克夔州來嘉走重慶三月重慶破來嘉降
逮赴京未至死王永清遼東人康熙八年

授貴州黔西鎮總兵官十二年十一月從
逆二十年九月降二十一年二月磔死
諭曰王永清身膺重任甘心從賊及大兵
抵滇圍困省城爲日甚久猶不歸順乃與
夏國相隨在奔竄計無復之始來降其併
捕禁其子藉其家

曹申吉列傳

羅森吳之茂陳洪明崔之瑛附

曹申吉山東安邱人順治十二年進士改

庶吉士十四年授內翰林

國史院編修充

日講官十五年以才堪外用授湖廣下荆
南道十六年遷河南分巡睢陳兵備道十
七年五月內擢通政使左通政十月遷大
理寺卿康熙六年三月擢禮部右侍郎九
年十一月遷兵部右侍郎時吳三桂分藩
雲南撤調絡繹黔蜀爲往來孔道廷議責

重巡撫十年授申吉貴州巡撫而擢陝西
布政使羅森四川巡撫森直隸大興人順
治四年進士累官江西湖東道陝西督糧
道浙江按察使遷布政使以久外任故用
之十一年二月申吉疏言設官分職上下
相維獨黔省知府知縣各官專轄之地分
徵錢糧並無經徵督徵之異非所以定經
制而責之成也請貴陽安順平越都勻鎮

遠思南銅仁七府知府經管地糧各歸附
郭之新貴譜定平越都勻鎮遠安仁銅仁
七縣知縣管理其知府止司督徵庶規畫
一部議從之五月森以招民開墾議加工
部右侍郎銜十一月吳三桂反十二月犯
貴州曹申吉從賊十三年正月賊犯四川
森與總兵官吳之茂並降申吉喜爲詩招
致遊士邀名譽森亦有能吏声相繼從逆

聞者切齒三桂性忌降者多以事見殺及
三桂死賊黨復自相屠戮申吉森俱不知
所終吳之茂錦州人降賊爲三桂任用率
僞總兵五人犯秦州後屢敗竄入松藩所
至劫掠大兵克保寧擒之茂于陣械至京
伏誅封疆大吏從逆者又有廣西巡撫陳
洪明雲南布政使崔之瑛洪明遼東人隸
漢軍廂藍旗以筆帖式授戶部主事累遷

至郎中康熙十二年二月擢奉天府尹十
一月授大理寺卿十三年二月擢戶部右
侍郎六月授廣西巡撫八月洪明偕總督
金光祖疏言吳三桂遣賊攻陷梧州現督
水陸官兵進取逆賊遁走梧州已復得
育嘉獎十一月洪明疏言土寇竊發如李
三官七乘機煽亂已分遣將弁蕩平尙有
潛伏山陬海澨者應亟除梧州宜設重兵

以資勦禦

諭曰梧州兩粵接壤要道今粵西有事之
秋李三官七賊寇滅後尙可喜卽撤兵速
赴梧州十四年五月洪明遣遊擊陳汝德
勦僞總兵李梅友于蒼梧破之燬其寨十
年二月尙之信叛降三桂洪明從逆十八
年復來降二十一年議政大臣等議洪明
應革職立絞

諭曰陳洪明前赴任時朕召至乾清門奏
稱臣一介草茅蒙皇上知遇務期勉竭愚
誠以報知遇及粵東被陷朕意此人未肯
從賊且彼並無父母妻子牽制之情隻身
何難自拔而乃深負國恩受賊僞職又具
啟吳三桂情殊可惡理應正法姑從寬免
死著流徙寧古塔藉其家崔之瑛霸州人
順治十三年授陝西漢羌道康熙二年擢

雲南布政使十二年從逆二十年雲南平
之瑛論死

王輔臣列傳

王輔臣山西大同人明末爲盜號馬鴿子
本朝順治五年大同總兵姜瓖叛輔臣從
之爲僞副將六年英親王阿濟格圍大同
輔臣降隸正白旗漢軍授侍衛十年隨經
畧大學士洪承疇征明桂王朱由榔授湖

廣鎮總兵隨定貴州十六年雲南既定吳
三桂留鎮授輔臣爲援勦右鎮總兵十八
年隨大軍至緬甸取朱由榔康熙三年叙
功加銜左都督四年迤東土酋王耀祖據
新安叛輔臣討之破木城九擒僞國公趙
印選九年擢陝西提督駐平涼十二年三
月反約輔臣從逆十三年二月輔臣遣子
繼貞首三桂逆書得

旨嘉獎予爵三等子世爵授大理寺少卿
時湖南四川皆陷

上命順承郡王勒爾錦征湖南調輔臣隨
征旋

命兵尚書莫洛經畧陝西四川莫洛奏留
輔臣仍駐平涼大軍至四川輔臣疏請入
覲密陳韜畧

上以邊疆正資彈壓

諭俟賊平後來京輔臣復疏言昔年隨經
畧洪承疇出師湖南於土俗民情頗悉其
概及任雲南總兵凡地方形勢險要苗獮
數種知之最詳願往湖南隨征立功

諭以進征四川亦可立功尋莫洛統陝西
諸將征四川檄輔臣往輔臣懷叛志以乏
馬辭莫洛給馬二千輔臣欲搖眾心謂經
畧盡調我良馬他往以疲瘠者與我欲置

我等于死地十二月行次寧羌兩營距二
里許潛布梟健截諸險隘糾眾逼莫洛營
噪以馬羸餉缺莫洛遣從者撫慰輔臣突
前礮矢齊發莫洛自出督戰中鳥鎗死輔
臣脅經畧標兵及運糧兵二千餘自隨還
據畧陽通款三桂留莫洛軍營郎中祝表
正時定西大將軍貝勒洞鄂奉
詔統師繼莫洛後至沔縣聞襄退保漢中

入奏

上遣輔臣子繼貞齋

勅諭輔臣曰昔

世祖章皇帝知爾才勇兼優拔於儕伍之
中置之侍衛之列繼命隨經畧洪承疇進
取滇黔爾殫心抒忠茂建功績遂進秩總
戎迨及朕躬以爾勲舊重臣巖疆攸賴特
擢陝西提督來京陛見面加詢問知忠貞

臣等

奏

臣

天稟猷畧出羣特賜密諭想爾猶記憶也
去冬吳逆叛寔人懷觀望爾獨首倡忠義
舉發逆扎遣子馳奏益悉爾之忠貞純篤
不負朕恩及經畧莫洛奏請率爾入蜀朕
以爾與莫洛毫無猜嫌故令全往建功茲
兵寔之後召詢爾子始知莫洛與爾頗有
嫌隙則朕之知人未明俾爾寔生意外忠
藎莫伸咎在朕躬於爾何罪朕之於爾任
寄心眷恩重河山以朕之倦倦于尔知尔
之必不負朕也尔所屬官員行役艱辛寔
起倉卒朕惟加矜恤並弗致譴已令陝西
督撫招徠安插再頒專勅尔果不忘累朝
恩眷不負平日忠誠宜卽歛戢所屬官兵
各歸隊伍當令仍還平涼原任已往之事
概不追論勿心存疑畏有負朕篤念舊勲
之意十四年正月輔臣得繼貞所賞

敕具疏附祝表正還奏而留繼貞弗遣輔
臣之在畧陽也誘秦州副將陳善已叛遂
移據秦州其在寧羗脅從之二千衆莫肯
爲用各乘間脫走自平涼隨至之卒伍日
夜思故鄉散去者亦數百人輔臣乃毀鳳
縣之徧橋使叛党王好文等以兵阻棧道
大軍在漢中餉不繼退歸西安於是漢中
與安相繼爲三桂賊將所踞輔臣留其党

踞秦州而自携舊兵歸平涼三桂賂以白
金二十萬兩與僞印曰平遠大將軍陝西
東路總兵輔臣爲布逆書要約党附固原
道陳彭受僞巡撫劄定邊副將陳龍受僞
招撫總兵劄俱叛踞城邑合謀誘脅遊擊
袁成梁以鞏昌叛副將江有倉叅將潘瑞
以偕文洮岷叛守備曾文耀以臨洮叛蘭
州遊擊董正已潛結撫標弁兵作亂舉城

從遊同州遊擊李師膺據神道嶺以叛殺
鞞城知縣翟其琪陷洛川宜川鄜州陝西
郡邑騷動延綏鎮屬之鬻水魚河波羅各
營葭州及吳堡清潤米脂等縣先後降賊
初輔臣之附疏祝表正還奏也謂莫洛激
其兵變已弗能禁乞先
遣中使撫輯兵眾得所當卽束身歸罪
上鑒其狡詐

詔在陝諸將申嚴防禦毋縱蔓延而仍

命祝表正齋

諭慰如初輔臣復留表正弗報表正屢斥
責之旋遇害

諭趣統師貝勒大臣分路進討於是貝勒
洞鄂克秦州僞總兵陳萬策降安西將軍
穆占靖逆將軍張勇克鞏昌僞總兵陳科
降西寧總兵王進寶克蘭州僞總兵趙士

昇降甘肅總兵孫思克復靜寧平遠將軍
畢力克圖復綏德延安陝西提督陳福克
定邊城擒朱龍及偽副將祝先德斬之輔
臣見大軍所向捷逆黨漸散乃爲緩兵計
以書致貝勒洞鄂乞奏請再
頒赦詔遣威望大臣受降洞鄂以

聞

上諭之日前屢降旨王輔臣果悔罪來降

當宥其罪故前秦州諸處官兵來降悉與
寬贖王輔臣安有不知彼乞降詐也特緩
我師爲苟延日月計耳且前遣祝表正未
歸豈宜復遣大臣爾等宜以王輔臣旣邀
恩赦仍不悔禍布告官吏軍兵俾知舉兵
討亂之故急令兵攻取平涼是時三桂由
湖南寇江西勢猖獗輔臣因是觀望其叛
黨吳之茂譚洪等由興化犯商州復引四

川賊犯秦州屯踞北山截我援師路輔臣使僞總兵李國良以眾八千由靜江合寇別使賊犯灵州大軍分道進勦乃遣十五年二月

上命大學士圖海爲撫遠大將軍討輔臣四月張勇勦賊於通渭復其城五月圖海大破賊于平涼城北之虎山墩輔臣窮蹙乞降

上宥其前罪

頒詔撫慰輔臣使子繼貞僞總兵蔡元徽所受吳三桂僞劄印詣軍門降

詔復輔臣官爵加太子太保授靖寇將軍隨圖海駐漢中繼貞亦復原官尋擢太僕寺卿輔臣懷疑懼與其妻妾四人自縊死獨輔臣甦二十年雲南平輔臣奉詔隨圖海入

觀至西安病死

上從部臣請停其世襲罷繼貞任家屬恣令歸旗

譚洪列傳子天祕鄭蛟麟附

譚洪四川萬縣人初爲明總兵官

本朝順至二年明桂王朱由榔大學士呂大器督西南諸軍洪與其弟詣及譚文等皆受約束時張獻忠遺黨孫可望等竄川

南洪等亦分據川東又與李自成党李來亨等聯聲援五年犯保寧四川巡撫李國英敗之七年可望以雲南降于桂王陽奉之陰圖自據桂王大學士文安之念川中諸將兵尙強欲結之以抗可望乃自請督師加諸鎮封爵桂王進洪新澤侯李來亨及譚詣譚文等公侯爵有差令安之齎勅印經可望軍前可望慮安之圖已邀安之

奪洪等勅印可望將圖蜀發兵由川南入而別遣將渡金沙河出黎州陷嘉定洪與詣文並附于可望十四年可望自貴州降于大軍洪等復歸桂王十五年二月洪進據忠州萬縣七月攻重慶總兵官程建俊敗之十六年洪與來亨等由水道襲重慶會洪詣以私忿殺譚文諸將不服安之欲討洪詣洪詣恨率所部來降隨授洪川北

總兵官加募義侯康熙十一年吳三桂叛十三年洪與四川提督鄭蛟麟合謀從賊三桂授洪偽川北將軍蛟麟總管將軍蛟麟明都司自松山來降者也三桂使蛟麟犯漢中爲大兵所破蛟麟復降十五年九月洪欲犯湖廣鄭陽先遣賊眾泊船琵琶灘阻運道巡撫胡茂勳偕副都統李林隆提督佟國瑤等敗之十月洪率賊三十餘

艘順流下圍郎城將軍噶爾漢等敗之陟
領更以水陸兵夾擊洪復遁十八年

上以湖南廣西底定賊殄滅可期念洪抗
拒有日或由迫脅所致

特加專勅令其任前副將譚天叙齎往招

撫十九年二月湖廣提督徐治都復夔州

洪子偽左將軍天祕齎辨明脅從疏並繳

偽晉國公勅偽廣威將軍印及文武各官

印親率子佐偽總兵官譚地升譚地晉等

詣軍門降未幾三桂陷瀘州永寧叙州洪

復叛

諭曰譚洪夏起倉猝雖盤踞萬縣寔屬疥

癬但被其出犯之賊則洪無路可歸自必

授首乃趨將軍吳丹鄂克濟哈趙良棟總

督胡茂勳巡撫杭愛提督王之鼎分途進

擊十月洪與彭時亨等攻梧州十二月復

犯夔州

命噶尔漢及川陝總督哈占速進二十年正月洪死時噶尔漢擊敗雲陽賊洪子天祕震恐走萬縣天字城寨賊巢以遁於是大兵進取萬縣既而開縣建始忠州梁山悉平六月徐治都檄叅將涂鑑諭降哈占復遣官招之天祕猶豫未決大兵圍雲南天祕窮蹙始降二十一年五月未至京死

祖澤清列傳

祖澤清大壽第四子康熙六年由叅領授廣西高雷廉總兵十四年七月據高州叛降于吳三桂

命平南王尚可喜將軍尼雅翰前鋒統領覺羅舒恕總督金光祖會勦十六年尙之信以從逆反正襲平南親王傳檄兩廣澤清亦投誠事

清亦投誠事

卷七

七

諭曰祖澤清先雖被脅從逆仍感戴國恩
密謀斬倡亂逆弁陳嘉正擒偽將軍謝厥
扶等剃髮歸順其加都督同知仍管總兵
官事八月澤清執厥扶及偽總兵鄧鎮奇
同知謝濟遊擊韓達守備韓元龍韓國勳
鄧駿送之信所
詔誅之十月

命澤清同光祖進取南寧柳州十七年三
月澤清復叛

諭曰祖澤清先經反叛及投誠後隨加寬
宥仍授總兵旋擢臺儀衛使今復背恩反
叛寬惡已極宜卽行誅滅平南王尙之信
將軍莽依圖額楚巡撫傅宏烈總督金光
祖可會同商酌速行勦滅未幾澤清勾山
海諸寇分犯電白

勅之信額楚等速攻勦四月之信同副都
統額赫訥等統滿漢兵抵電白澤情設營
據守之信等分擊連敗之斬偽總兵江瓊
及賊眾四千餘遣三十餘里城中賊堅守
圍之十七日夜原任都司王得功等踰城
降之信等馳百八十里抵高州澤清挈家
遁入山十八年四月
諭兵部曰逆賊吳三桂煽亂以來各處大

小文武官員勢窮力竭而從賊朕久洞
悉其悔罪來歸者概行寬宥惟澤清父子
兄弟向受國家恩養甚厚前叛時意其必
被殛宥不得已而從逆及既降復叛則甘
心附賊可知情罪重大國法難容不許招
撫亦不許其投誠爾部卽密諭各路大將
軍督撫提鎮等遵行八月官兵搜山獲澤
清及其子良梗送京師十九年二月澤清

良梗俱磔死諸子家口籍沒

耿精忠列傳

耿精忠漢軍正黃旗人靖南王繼茂長子
幼隨父鎮所順治十一年繼茂遣入侍
世祖章皇帝念繼茂南征有功授精忠一
等子爵尚肅親王豪格女封和碩額駙康
熙三年繼茂請令精忠赴閩學軍事
聖祖仁皇帝允之十年繼茂疾奏以精忠

代理藩務請卒

詔精忠襲父爵十二年七月精忠聞平南
王尚可喜將撤藩歸遼東亦具疏請撤得
旨允行十一月吳三桂反
命精忠仍留鎮三桂以書誘之精忠與藩
下左翼總兵曾養性右翼總兵江元勳叅
領白顯忠徐文耀王世瑜王振邦蔣德軫
等潛定逆謀十三年三月踞福州反以兵

督總督范承謨不屈遂幽之及其家屬五十餘人自稱總統兵馬大將軍劾三桂蓄髮易衣冠私鑄裕民通寶錢以曾養性白顯忠江元勳爲僞將軍分陷延平邵武福寧建寧汀州藩下佐領黃國瑞林芳孫廖廷雲李似桂護衛夏季旺呂應斗長史陳儀陳斌及凡從逆者各加僞職分播逆書約三桂合寇江西江南約潮州總兵劉進

忠擾廣東通海賊鄭錦於臺灣賂以沿海郡邑倚爲聲援浙江總督李之芳聞變先遣副將王廷梅等擊賊自率兵駐衢州守禦賊眾突越仙霞嶺寇浙江陷江山縣以衢州有備分寇温州處州又別趨江西寇廣信建昌

上命平南將軍賚塔帥師之浙江定南將軍布爾根之江西並

勅杭州鎮江水師分防海疆

詔削精忠爵收禁其在京兄弟宣

諭中外曰逆賊耿精忠庸懦無能痴愚寡識賴祖父之餘勳襲封王爵宜感恩圖報不意其包藏禍心逕行反叛今削其爵遣發大兵進勦凡被賊迫脅之官員兵民有能擒耿精忠投獻軍前者優加爵賞或以兵馬城池納款者論功收錄或力有不逮

自拔來歸者亦免罪收用其藩下人在直隸各省出仕者概從寬宥雖有父子兄弟在福建亦不株連勿得心懷疑畏自罹法網負朕好生之意尋

諭吏兵二部曰曩者精忠之祖仲明當

太宗文皇帝時航海歸誠優錫王爵効力行間勞績茂著及其身故睿親王不令承襲

世祖章皇帝追念舊勳以其子繼茂襲爵
俾鎮巖疆爰及朕躬倦懷勳裔恩寵有加
後覽繼茂遺疏有兵民凋敝海賊未歸死
不瞑目之語忠盡堪念且因精忠自幼曾
爲近侍子襲王爵仍鎮閩省原望其紹祖
父遺訓殫竭忠猷不意爲逆賊吳三桂煽
惑一旦叛亂今大兵進勦殲滅在即但念
其無知被誘墮入狡計非素蓄逆謀首犯

禍亂者比况自祖父以來受恩四十餘年
至精忠之身遽至宗祀斬絕朕心深爲不
忍其傳諭精忠果能悉心悔禍投誠自歸
勦除海賊以贖前罪卽視之如初朕以至
誠待天下必不食言

遣郎中周襄緒偕精忠護衛陳嘉猷賁
敕赴閩精忠留之養性誘溫州總兵祖宏
勳平陽遊擊司定猷並以城叛偕僞鎮海

都督林冲偽中軍都督徐尙朝偽總兵閻
標宋書聘馮公輔沙有祥曾奎陳理遠登
雲偽副將吳榮先陳鵬等陷瑞安樂清及
仙居太平黃巖窺寧波紹興嵊縣遂陷處
州郡邑進犯金華躡忠偕偽左軍都督周
烈偽總兵王飛石桑明李雲龍偽副將江
明等陷廣信建昌饒州復糾合玉山永豐
土賊東犯常山陷開化壽昌淳安遂安別

犯徽州婺源祁門等處勢日猖獗

上以康親王傑書為奉命大將軍貝子傅
喇塔為寧海將軍率禁旅並調駐守江寧
之喀喇沁土默特兵征浙江復

命安親王岳樂統師駐南昌簡親王喇布
駐江寧

諭康親王曰耿精忠雖背恩反叛念其祖
父投誠効力累世藩勳朕豈肯以精忠之

罪及其先人大兵平定閩省之日其祖父骸骨仍許收葬是時將軍賚塔兵駐衛州賊由江山入犯賚塔同之芳率副都統喇哈瑚圖副將王廷梅等擊却之副將牟大寅斬偽叅將張雄於常山副將洪起元敗賊於紹興復嵎縣副將鮑虎敗賊於淳安之圖屏鎮擒王飛石江明復壽昌遂安副都統沃申瑪哈達石調声總督李榮陳世

凱叅將陳夢陽屢敗賊眾於金華斬閭標宋書聘吳棨先會康親王至金華與貝子傅喇塔率副都統穆赫林等勦賊復金華附近諸邑敗會逆陳理于台州之黃瑞山斬陳鵬復黃岩太平樂清瑪哈達擊敗徐尙朝沙有祥馮公輔等復處州穆赫林擊敗林冲于白水洋復仙居簡親王以兵助江寧將軍額楚擊走徽州婺源祁門賊眾

將軍希爾根復建昌饒州安親王至南昌
移書精忠諭降精忠荅書語多狂悖十四
年七月
上諭吏兵二部曰逆賊耿精忠負恩附逆
煽亂闖疆荼毒生靈罪惡重大凡兄弟族
人律應不赦但念其弟昭忠聚忠及族人
等道途遠隔寔未同謀竟尔株連朕心不
忍其概從寬釋官職悉令如故並

命聚忠齋

敕諭精忠曰爾祖父宣力累朝勲猷懋著
是用世襲王爵格外加恩逮爾父病歿令
爾襲封鎮閩方謂爾克紹前猷殫忠報國
不意爾反爲吳逆狡謀所惑蹂躪土地害
虐生民朕猶念爾祖父前功不忍加戮凡
爾在京諸昆弟及屬下人概行寬宥給還
官職恩禮如常今大軍雲集時勢昭然爾

自知之朕復念尔寢乱必由逼迫所致故復下勅書遣尔弟聚忠齋至軍前明諭朕意尔若卽時悔罪率眾歸誠當復尔王爵如舊鎮守倘能勦除海寇共奏膚功仍復優叙加以爵賞前使臣周襄緒等不遣之歸或別有故朕不介意爾勿听煽惑之言終懷疑懼負朕始終保全至意聚忠至衢州精忠拒不納使其党江元勳徐文輝黃

國瑞等扼關隘肆逆如故初精忠將叛其母周氏哭阻之藩下都統馬九玉亦以吳三桂不可效爲言精忠弗聽周氏憤死九玉旋從逆爲僞驍騎將軍與僞前鋒都督朱懷德僞總兵馬勝等距江山縣精忠屢迫之犯衢州戰輒敗劉進忠之以潮州叛也受精忠僞職爲寧粵將軍平南王尙可喜奉

詔發兵討精忠精忠求援於鄭錦遂引海賊入潮州掠惠州三桂亦驅廣西叛賊逼肇慶可喜慮力難分禦請

勅江西大兵援廣東精忠益驅偽將軍邵連登劉如桂黃朝用偽總兵馬鵬等助顯忠犯建昌撫州贛州連結三桂賊眾于袁州吉安阻大兵不得達粵可喜子之信遂糾廣州肇慶官屬降三桂棄惠州不守錦

使其黨劉國軒等踞之錦尋與精忠擗豐盡奪泉州漳州之地以自屬十五年二月貝子傅喇塔誓師黃巖進征温州連破賊壘曾養性憑江相拒轉戰累月未能薄城上命之芳飭兵固守衢州金華傅喇塔勦除温州處州賊眾

諭超康親王自金華率師出衢州進征福建八月康親王同將軍賚塔督兵敗賊於

大溪灘下江山縣馬九玉潛遁招降偽奉
將金應虎遂克西霞關攻拔蒲城縣是時
錦擾興化及福州精忠與其黨武灝沈偉
郭景汾羅萬里等搜括福寧建寧延平財
利以餌眾將不繼又屢爲大兵挫衄勢益
窮蹙以范承謨久羈不屈使人害之並戕
其幕客嵇永仁及家屬之被繫者康親王
進征建陽移書精忠曰尔蒙

累朝厚恩世授王爵正當遇時立功以承
先緒乃溺于奸計自取誅夷

皇上念爾祖父之功凡爾在京諸兄弟俱
留原職如舊奉養復

遣尔弟耿聚忠招撫因不得前進還京今
大兵屯仙霞嶺長驅直入攻拔蒲城蒲城
乃閩省財賦要地咽喉既塞糧運不通建
寧延平旦夕可下與其繫頸就戮曷若率

眾歸誠仍授王爵保全百萬生靈况鄭錦
與爾有不共戴天之仇攘奪郡邑無已時
爾當助大兵進勦立功雪恥何久事仇人
為精忠得書猶豫未決荅書言自願歸誠
恐部眾不從致滋變患望奏
賜明詔許赦罪立功以慰眾心乃可率屬
降康親王復建寧府次延平精忠震懾無
計遣其子顯祚同前賚

勅被留之周襄緒陳嘉猷迎大軍十月朔
康親王遣官賚

勅宣示精忠精忠出城降請隨大軍勦海
賊立功贖罪康親王以

聞下土只勒大臣議奏復精忠靖南王爵
屬下官職如舊令精忠率之征勦

上乃以精忠為鎮平將軍赴福州駐守

命精忠隨大軍勦海賊旋克復興化泉州

漳州逐錦入臺灣進征潮州會之信以廣
州歸順進忠亦降精忠駐守潮州十六年
四月奏遣子顛祚入侍
命列散秩大臣九月康親王令將軍賚塔
偕精忠所屬都統馬九玉率將士守潮州
擢精忠還福州
詔止之

諭戒康親王及叅贊大臣曰今當招撫歸

順之時不宜遽撤精忠以疑眾心王大臣
等不預請旨卽撤之殊爲失計嗣今凡事
當熟籌毋得逕行十一月藩下叅領徐鴻
弼佐領劉延應護衛呂應賜典儀陳良棟
護軍蘇雲會等具狀遣人赴部首精忠歸
順後尙蓄逆謀凡五款一違康親王令不
悉舉由奸党一潛結海賊通音問一與劉
進忠執手耳語謂乞降非所願一密令腹

心藏鉛藥約侯異日收用一散遣舊兵歸
農令分携兵器勿留供大軍部臣以狀
聞昭忠在福州同叅贊大臣介山吳努春
亦以鴻彌首詞具疏入告
上留疏於中十七年春海賊陷海澄長泰
和平漳平固安惠安永春等城
詔精忠還福州昭忠携其祖父骸骨還京
是年秋三桂死賊之在江西湖南者半竄

遁海賊亦敗績退踞海澄

上密諭康親王曰自數年用兵以來所費
不貲民力疲弊今大破湖南賊寇餘孽遁
入雲貴旦夕殲滅惟福建海賊竊踞海城
倚廈門金門爲營窟大兵進勦並藉水師
應檄騎兵之半以甦民力但耿精忠在閩
尙慮變生意外故暫停檄如降旨令耿精
忠來京或滋疑懼王當令其奏請陛見尋

康親王疏劾精忠罪請逮繫正法
諭曰今廣西湖南漢中興安俱已底定逆
賊餘党引領以冀歸正者不止百千耿精
忠若卽正法餘党或致寒心如能自請求
京庶事皆寧貼王當加意開導之十九年
三月精忠疏請入
覲得
旨以馬九玉爲福州將軍轄藩下兵八月

昭忠聚忠並疏劾精忠詳見昭忠傳精忠
既至

上允王大臣等所請以前此留中諸疏下
法司勘問精忠辯歸順後絕無叛志法司
以鴻弼等自詞可按且有昭忠聚忠劾奏
精忠應革王爵與其子顯祚及養性顯忠
等俱磔死家口籍沒

上命繫精忠俟鴻弼等及逆党俱至京再

核議以奏專

遣聚忠至福州以罪不株連曉諭藩屬並
遷精忠親屬歸旗是年之信爲藩屬首悖
逆伏誅爾除明年十月大兵平雲南三桂
孫世璠及其黨俱殄滅

詔檄舊隸精忠藩下官耿之在浙聞者悉
還京九玉亦解任歸旂給事中姚祖頊御
史孫必根交章言三桂宜戮屍精忠及逆

党罪狀按律擬磔


上諭廷臣欲予寬減大學士明珠奏言精
忠罪較之信尤爲重大之信不過縱酒行
克口出妄言精忠負恩謀反且與安親王
書多狂悖情無可貸當

勅法司明正典刑於是精忠與曾養性白
顯忠江元勳劉進忠徐文耀王世瑜王振
邦蔣德輅並磔於市懸首示眾顯祚及祖



逆臣傳卷上終
景汾羅萬里等皆伏誅籍其家
桂夏季旺呂應斗陳儀陳斌武灝沈偉郭
宏勳司定猷黃國瑞林芳孫廖廷雲李似

逆臣傳卷上終



庫 文 閣 內			
三 九 函	二	三 〇 四	漢 書
三 架	冊	號	類